



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՖԻՆԱՆՍՆԵՐԻ ՆԱԽԱՐԱՐ

21 փետրվարի 2024թ.

N 42-Լ

Հ Ր Ա Մ Ա Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՖԻՆԱՆՍՆԵՐԻ ՆԱԽԱՐԱՐԻ 2019 ԹՎԱԿԱՆԻ ՀՈՒՆՎԱՐԻ 11-Ի N 8-Լ ՀՐԱՄԱՆՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ, ԼԻՑԵՆԶԱՎՈՐՄԱՆ ԵՎ ՈՉ ՖԻՆԱՆՍԱԿԱՆ ՈԼՈՐՏԻ ՄԵԹՈԴԱԲԱՆՈՒԹՅԱՆ ՎԱՐՉՈՒԹՅՈՒՆԸ ԿԱՌՈՒՑՎԱԾՔԱՅԻՆ ՓՈՓՈԽՈՒԹՅԱՆ ԵՆԹԱՐԿԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՖԻՆԱՆՍՆԵՐԻ ՆԱԽԱՐԱՐԻ 2018 ԹՎԱԿԱՆԻ ՍԵՊՏԵՄԲԵՐԻ 28-Ի N 480-Լ ՀՐԱՄԱՆՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Հիմք ընդունելով Հայաստանի Հանրապետության վարչապետի 2024 թվականի փետրվարի 8-ի N 124-Լ որոշումը և ղեկավարվելով «Նորմատիվ իրավական ակտերի մասին» օրենքի 33-րդ հոդվածով, Հայաստանի Հանրապետության վարչապետի 2018 թվականի հունիսի 11-ի N 743-Լ որոշմամբ հաստատված Հայաստանի Հանրապետության ֆինանսների նախարարության կանոնադրության 18-րդ կետի 20-րդ ենթակետով,

ՀՐԱՄԱՅՈՒՄ ԵՄ՝

1. Հայաստանի Հանրապետության ֆինանսների նախարարի 2019 թվականի հունվարի 11-ի «Հայաստանի Հանրապետության ֆինանսների նախարարության լիցենզավորման և գործունեության ծանուցման գործակալության կանոնադրությունը հաստատելու մասին» N 8-Լ հրամանում (այսուհետ՝ Հրաման) կատարել հետևյալ փոփոխությունները.

1) Հրամանի վերնագիրը շարադրել հետևյալ խմբագրությամբ.

«Հայաստանի Հանրապետության ֆինանսների նախարարության լիցենզավորման և ոչ ֆինանսական ոլորտի մեթոդաբանության վարչության կանոնադրությունը հաստատելու մասին»,

2) Հայաստանի Հանրապետության ֆինանսների նախարարության լիցենզավորման և ոչ ֆինանսական ոլորտի մեթոդաբանության վարչության կառուցվածքում ստեղծել խաղային գործի լիցենզավորման և ոչ ֆինանսական ոլորտի մեթոդաբանության բաժինները.

3) Հրամանի 1-ին կետը շարադրել հետևյալ խմբագրությամբ.

«Հաստատել Հայաստանի Հանրապետության ֆինանսների նախարարության լիցենզավորման և ոչ ֆինանսական ոլորտի մեթոդաբանության վարչության կանոնադրությունը՝ համաձայն հավելվածի»,

4) Հրամանով հաստատված հավելվածը շարադրել նոր խմբագրությամբ՝ համաձայն հավելվածի:

2.Ուժը կորցրած ճանաչել Հայաստանի Հանրապետության ֆինանսների նախարարի 2018 թվականի սեպտեմբերի 28-ի «Հայաստանի Հանրապետության ֆինանսների նախարարության ոչ ֆինանսական ոլորտի մեթոդաբանության բաժնի կանոնադրությունը հաստատելու մասին» N 480-Լ հրամանը:

ՊԱՐՏԱԿԱՆՈՒԹՅՈՒՆՆԵՐԸ

ԿԱՏԱՐՈՂ

 Recoverable Signature

X 

ԱՐՄԱՆ ՊՈՂՈՍՅԱՆ

ԱՐՄԱՆ ՊՈՂՈՍՅԱՆ

Signed by: POGHOSYAN ARMAN 3809820482

Հավելված
Հայաստանի Հանրապետության ֆինանսների նախարարի
« 21 » փետրվարի 2024թ.
N 42 -Լ հրամանի

Հավելված
Հայաստանի Հանրապետության ֆինանսների նախարարի
«11» հունվարի 2019թ.
N 8-Լ հրամանի

ԿԱՆՈՆԱԴՐՈՒԹՅՈՒՆ

ՖԻՆԱՆՍՆԵՐԻ ՆԱԽԱՐԱՐՈՒԹՅԱՆ ԼԻՑԵՆԶԱՎՈՐՄԱՆ ԵՎ ՈՉ ՖԻՆԱՆՍԱԿԱՆ ՈԼՈՐՏԻ ՄԵԹՈԴԱԲԱՆՈՒԹՅԱՆ ՎԱՐՉՈՒԹՅԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Ֆինանսների նախարարության (այսուհետ՝ Նախարարություն) լիցենզավորման և ոչ ֆինանսական ոլորտի մեթոդաբանության վարչությունը (այսուհետ՝ Վարչություն) Նախարարության հիմնական մասնագիտական կառուցվածքային ստորաբաժանում է, որը կազմավորվել է Հայաստանի Հանրապետության վարչապետի 2018 թվականի հունիսի 11-ի N 743-Լ որոշման համաձայն:

2. Վարչությունն իր գործունեությունն իրականացնելիս ղեկավարվում է Հայաստանի Հանրապետության Սահմանադրությամբ, օրենքներով, այլ իրավական ակտերով և իր կանոնադրությամբ:

3. Հայաստանի Հանրապետության ֆինանսների նախարարը (այսուհետ՝ Նախարար) հաստատում է Վարչության կանոնադրությունը, այդ թվում՝ կառուցվածքը, և կանոնադրության մեջ կատարում փոփոխություններ:

II. ՎԱՐՉՈՒԹՅԱՆ ՀԻՄՆԱԿԱՆ ԽՆԴԻՐՆԵՐԸ

4. Վարչության հիմնական խնդիրն է Հայաստանի Հանրապետության օրենսդրությամբ նախարարությանը վերապահված լիազորությունների լիարժեք և արդյունավետ իրականացման ապահովումը՝ իր իրավասությունների շրջանակներում, մասնավորապես՝

1) խաղատների, շահումով խաղերի, ինտերնետ շահումով խաղերի և վիճակախաղերի կազմակերպման գործունեությունների լիցենզավորումը.

2) խաղային գործի բնագավառը կարգավորող Հայաստանի Հանրապետության օրենսդրության մշակումը և կատարելագործումը.

3) խաղային բնագավառում փողերի լվացման դեմ պայքարի բնագավառը կարգավորող Հայաստանի Հանրապետության օրենսդրության մշակումը և կատարելագործումը.

4) փողերի լվացման դեմ պայքարի գործում համագործակցությունը Հայաստանի Հանրապետության կենտրոնական բանկի և այլ մարմինների հետ, միջազգային և եվրոպական Միության անդամ երկրներում խաղային բնագավառում գործող համաձայնագրերին և ասոցիացիաներին անդամակցությանն ուղղված աշխատանքների իրականացումը.

5) Նախարարությանը վերապահված ոլորտներում լիցենզավորման գործընթացի քաղաքականության մշակման և կատարելագործման աշխատանքների իրականացումը:

III. ՎԱՐՉՈՒԹՅԱՆ ԳՈՐԾԱՌՈՒՅԹՆԵՐԸ

5. Վարչության գործառույթներն են՝

1) շահումով խաղերի, ինտերնետ շահումով խաղերի, խաղատների, վիճակախաղերի կազմակերպման գործունեությունների լիցենզավորման գործընթացի կազմակերպումը.

2) սույն կետի 1-ին ենթակետում նշված գործունեությունների լիցենզավորման հայտերի ուսումնասիրությունն ու դրանց՝ Հայաստանի Հանրապետության իրավական ակտերի պահանջներին համապատասխանությունը պարզելը և դրանից բխող գործառույթների իրականացումը.

3) Նախարարությունում գործող՝ լիցենզավորող հանձնաժողովների նիստերի նախապատրաստումը, կազմակերպումը, դրանից և լիցենզավորող հանձնաժողովների եզրակացություններից բխող գործառույթների իրականացումը.

4) սույն կետի 1-ին ենթակետում նշված լիցենզավորման գործունեությունների լիցենզիաների վերաձևակերպման հայտերի ուսումնասիրությունն ու դրանց՝ Հայաստանի Հանրապետության իրավական ակտերի պահանջներին համապատասխանությունը պարզելը և դրանից բխող գործառույթների իրականացումը.

5) սույն կետի 1-ին ենթակետում նշված լիցենզավորման գործունեությունների իրականացման վայրերի փոփոխման հայտերի ուսումնասիրությունն ու դրանց՝ Հայաստանի Հանրապետության իրավական ակտերի պահանջներին համապատասխանությունը պարզելը և դրանից բխող գործառույթների իրականացումը.

6) սույն կետի 1-ին ենթակետում նշված գործունեություններ իրականացնողների կողմից ներկայացված լիցենզավորմանը վերաբերող փաստաթղթերի ուսումնասիրությունն ու դրանց՝ Հայաստանի Հանրապետության իրավական ակտերի պահանջներին համապատասխանությունը պարզելը և դրանից բխող գործառույթների իրականացումը.

7) սույն կետի 1-ին ենթակետում նշված գործունեությունների իրականացման լիցենզիաների էլեկտրոնային գրանցամատյանի վարումը.

8) սույն կետի 1-ին ենթակետում նշված գործունեությունների լիցենզիաների մասով էլեկտրոնային գրանցամատյանում փոփոխությունների և Հայաստանի Հանրապետության իրավական ակտերով նախատեսված դեպքերում դրանք այլ պետական մարմիններին տրամադրման իրականացումը.

9) սույն կետի 1-ին ենթակետում նշված լիցենզավորման ենթակա գործունեություն իրականացնողներին վերաբերող պարտադիր պահանջներ կամ պայմաններ սահմանող իրավական ակտերի ցանկում տեղ գտած փոփոխությունները՝ Հայաստանի Հանրապետության իրավական ակտերին համապատասխան հայտնելը.

10) սույն կետի 1-ին ենթակետում նշված գործունեությունների լիցենզիաներ տրամադրելու համար Հայաստանի Հանրապետության իրավական ակտերով սահմանված կարգով ու չափով պետական տուրքի գանձումը.

11) Նախարարությանն ուղղված՝ սույն կետի 1-ին ենթակետում նշված գործունեություններ իրականացնողների լիցենզավորմանը վերաբերող դիմումների ուսումնասիրությունը և դրանց համապատասխան ընթացք տալը.

12) Վարչության գործառույթներից և խնդիրներից բխող իրավական ակտերի նախագծերի, առաջարկությունների, եզրակացությունների, ինչպես նաև դրանց վերաբերյալ մեթոդական պարզաբանումների և ուղեցույցերի մշակման գործընթացի իրականացումը.

13) քաղաքացիներից, կազմակերպություններից, պետական կառավարման համակարգի մարմիններից, պետական և ոչ պետական այլ մարմիններից ստացվող՝ Վարչության գործառույթներին վերաբերող դիմումների ուսումնասիրությունը և դրանց համապատասխան ընթացք տալը.

14) վիճակախաղերի կազմակերպիչների կողմից ներկայացված գովազդի բովանդակությանը համաձայնություն տալու վերաբերյալ դիրքորոշում ներկայացնելը.

15) շահումով խաղերի, ինտերնետ շահումով խաղերի և խաղատան կազմակերպիչների կողմից հաստատված՝ շահումով խաղերի, ինտերնետ շահումով խաղերի կազմակերպման և անցկացման, ինչպես նաև վիճակախաղերի կազմակերպիչների կողմից վիճակախաղերի կազմակերպման և անցկացման կանոնակարգերին համաձայնություն տալու վերաբերյալ դիրքորոշում ներկայացնելը.

16) շահումով խաղերի, ինտերնետ շահումով խաղերի, խաղատների, վիճակախաղերի կազմակերպման գործունեություններ իրականացնող լիցենզավորված անձանց կողմից հերթական տարեկան պետական տուրքերի վճարման, ինչպես նաև ինտերնետ շահումով խաղի, տոտալիզատորի (այդ թվում՝ ինտերնետ տոտալիզատորի) կազմակերպման գործունեություն իրականացնելու դեպքում խաղադրույք ընդունելու իրավունք (այսուհետ՝ խաղադրույք ընդունելու իրավունք) ձեռք բերելու համար վճարվող պետական տուրքի վերաբերյալ տեղեկատվության տրամադրումը.

17) սույն կետի 1-ին ենթակետում նշված գործունեությունների իրականացման ապահովման համար, լիցենզավորված անձանց նկատմամբ Հայաստանի Հանրապետության օրենսդրությամբ Նախարարությանը վերապահված լիազորությունների իրականացումը՝ դրանց արդյունքներով պայմանավորված գործառույթների իրականացումը.

18) սույն կետի 1-ին ենթակետում նշված անձանց կողմից թույլ տրված կասեցման և դադարեցման վերաբերյալ վարչական վարույթների գործընթացի ապահովումը և դրանց արդյունքներով պայմանավորված խախտումների հաշվառումը.

19) շահումով խաղերի, ինտերնետ շահումով խաղերի, խաղատների և վիճակախաղերի բնագավառը կարգավորող Հայաստանի Հանրապետության օրենսդրության մշակումը և կատարելագործումը.

20) միջազգային պրակտիկայում գոյություն ունեցող վիճակախաղերի, շահումով խաղերի ուսումնասիրությունը և դրանց կարգավորման անհրաժեշտ օրենսդրական դաշտի մշակումը.

21) այլ երկրներում խաղային բնագավառը կարգավորող պետական մարմինների հետ համագործակցությունը.

22) միջազգային և ԵՄ անդամ երկրներում խաղային բնագավառում գործող համաձայնագրերին և ասոցիացիաներին անդամակցությանն ուղղված աշխատանքների իրականացումը.

23) խաղային բնագավառում փողերի լվացման դեմ բնագավառը կարգավորող Հայաստանի Հանրապետության օրենսդրության մշակման և կատարելագործման աշխատանքների, փողերի լվացման դեմ պայքարի միջազգային փորձի ուսումնասիրության և նոր տեխնոլոգիաների ներդրման աշխատանքների, փողերի լվացման դեմ պայքարի բնագավառում միջազգային համագործակցության ընդլայնմանը և կատարելագործմանն ուղղված աշխատանքների իրականացումը.

24) Նախարարությանը վերապահված ոլորտներում լիցենզավորման գործընթացի իրականացման հետ կապված հարաբերությունների քաղաքականության մշակման և կատարելագործման աշխատանքների իրականացումը.

25) Վարչության առջև դրված գործառույթներից և խնդիրներից բխող անհրաժեշտ տեղեկատվության փոխանակումը և տեղեկատվության ազատության ապահովումը.

26) Նախարարության կանոնադրությամբ հաստատված գործառույթների իրականացումը.

27) Նախարարի և Նախարարության գլխավոր քարտուղարի (այսուհետ՝ Գլխավոր քարտուղար) այլ հանձնարարականների կատարումը:

IV. ՎԱՐՉՈՒԹՅԱՆ ՂԵԿԱՎԱՐՈՒՄԸ

6. Վարչությունը ղեկավարում է Վարչության պետը: Վարչության պետի բացակայության դեպքում նրան փոխարինում է բաժինների պետերից մեկը՝ Վարչության պետի հանձնարարությամբ:

7. Վարչության պետը անմիջական հաշվետու է Նախարարին:

8. Վարչության գործունեության համակարգումը Նախարարի հրամանով կարող է վերապահվել Նախարարի տեղակալներից մեկին:

9. Վարչության պետին հանձնարարականներ և ցուցումներ տալիս է Նախարարը: Նախարարի հանձնարարությամբ հանձնարարականները կարող են փոխանցել իրենց համակարգման լիազորությունների շրջանակներում Նախարարի տեղակալը, Գլխավոր քարտուղարը:

10. Վարչության գործառույթների իրականացմամբ ստեղծված փաստաթղթերն ստորագրում է Վարչության պետը կամ համակարգման լիազորությունների շրջանակներում Նախարարի տեղակալը:

11. Վարչության բաժինների աշխատանքը ղեկավարում և կազմակերպում են բաժինների պետերը:

Վ. ՎԱՐՉՈՒԹՅԱՆ ԿԱՌՈՒՑՎԱԾՔԸ

12. Վարչության կառուցվածքում ընդգրկվում են հետևյալ բաժինները՝

1) Խաղային գործի լիցենզավորման բաժին.

2) Ոչ ֆինանսական ոլորտի մեթոդաբանության բաժին:

13. Վարչության յուրաքանչյուր քաղաքացիական ծառայողի գործառույթները, իրավունքներն ու պարտականությունները, շփումներն ու հաշվետվողականությունը նկարագրվում և այդ գործառույթները արդյունավետ իրականացնելու համար անհրաժեշտ մասնագիտական գիտելիքներն ու կոմպետենցիաները և կառավարման համակարգում տեղակայվածությունը սահմանվում է Հայաստանի Հանրապետության օրենսդրությամբ սահմանված կարգով հաստատված քաղաքացիական ծառայության պաշտոնի անձնագրով (աշխատատեղի նկարագրով):